

ሃሌ ሉያ ዘበኝንቲአሃ ለቤተ ክርስቲያን ተጸፋኝከ
በውሰተ ዐውድ ከመ ትቀድሳ በደምከ ክቡር።
ዘበኝንቲአሃ ዝግሐታተ መዋቅሕት ፆረ ፤ ወተዐገሠ
ምራቀ ርኩሰ ንንዘ ዐልቦ ዘአበሰ። አምላክ ዲበ ዕፀ
መስቀል ተሰቅለ።

ሃሌ ሃሌ ሉያ አርእየን ንግዚኦ ሣህለከ ረዳኤ ኩነን
ወኢትግድፈን። መሐረን ፤ መሐሰን ንግዚኦ ንግዚኦ
ተሣሃለን።

መሐረን አብ ሃሌ ሉያ

ተሣሃለን ወልደ ሃሌ ሉያ

መንፈስ ቅዱስ መሐሪ ተዘከረን በሣህልከ።

ለከ ንፌን ስብሐተ ወለከ ነዓርግ አኩቴተ።

መሐረን መሐሪ ኃጢአተን አስተሥሪ። ወአድኅነን

ወተማኅፀን ነፍሱን ወሥጋን ክርስቶስ ወልደ

እግዚአብሔር። አምላክን ወመድኃኒን ኢየሱስ

ክርስቶስ ተሣሃለን። በብዝኃ ምሕረትከ ደምስስ

አበሳን ፤ ወፊን ሣህለከ ላጃሌን።

እስመ እምነቤከ ውእቱ ሣህል። ሃሌ ሉያ
መሐረን አብ መሐሪ ወተሣሃለን ፤ ሀብ ሣህለከ
መሐሪ ኢታጥፍኡን ተዘኪረከ ዘትካት። በምሕረትከ
እስመ መሐሪ አንተ ፤ ወብዙኅ ሣህልከ ለኩሎሙ
እለ ይጼውዑከ። ይጼውዑከ በጽድቅ ፤ ሰማዒ ወትረ
ከሃሊ ዘውሰተ አድኅኖ። ከሃሊ ዘውሰተ አድኅኖ
ለእምላክክ እስመ ጽድቅ ቃሉ።

ንሰአሎ ለአብ ይፈኑ ለን ሣህሎ ፤ እስመ አብ
የአክል ለዘሰአሎ።

ሃሌ ሉያ ስብሐት ሎቱ ይደሉ ፤

ሃሌ ሉያ አኮቴት ሎቱ ይደሉ።

ሃሌ ሉያ ለክርስቶስ ለእግዚአ ኹሉ።

ሃሌ ሉያ ሃሌ ሃሌ ሉያ ወይእዜኒ መኑ ተስፋየ
አኮኑ? እግዚአብሔር

ወሰተ እዴከ እግዚአ አመኅፅን ነፍሰየ።
ኅበ አምላክ ምሕረት አመኅፅን ነፍሰየ።
ኅበ ንጉሠ ሰብሐት አማመኅፅን ነፍሰየ።
በእግዚእየ ወአምላኪየ አመኅፅን ነፍሰየ።
እምኑሉ ምግባረ እኩይ አድኅና ለነፍሰየ።
ሀቡ ንሰአሎ ንሰአሎ ወናሰተምሕሮ ለአምላክነ ጸድቅ
እስመ ጽድቅ ቃሉ።

ዘይኸል ኩሎ ወክልሶ ዘይሰኣኖ።

አምላክ ነዳያን ረዳኤ ምንዱባን ንሕነ ኅቤክ ተማኅፀን።

ዘይኸል ኩሎ ወክልሶ ዘይሰኣኖ።

አምላክ ነዳያን ናዛዜ ኅዙናን ንሕነ ኅቤክ ተማኅፀን።

ዘይኸል ኩሎ ወክልሶ ዘይሰኣኖ

አምላክ ነዳያን ወተሰፋ ቅቡፃን ንሕነ ኅቤክ ተማኅፀን።

ኣ ኧግዚአብሔር አብ አታዜ ኩሉ መሐረን።

ኣ ወልድ ዋሕድ ኢየሱስ ክርስቶስ ተሣሃለን።

ኣ ጳራቅሊጦስ መንፈስ ጽድቅ ሥረይ ለን ሀሉ
ምስሌን።

እስመ አልብን ረዳኢ በጊዜ ምንዳቤ ወታዘን እስመ
ዘእንበሌከ ባዕድ አልቦ ዘነአምር።

ኤሎሂ ኤሎሂ ዘኣመ ትቤ በጽራሕክ ተማኅፀን
ምሕላን ሰምዓ አምላክን።

አይቲ ውጺቲ አምላኮሙ ከመ ኢይበሉን አሕዛብ
ምሕላን ሰምአ ቃለ አብ።

አይቲ ይጸቲ ትምክህቶሙ ከመ ኢይበሉን ውሉደ
መርገም ምሕላን ሰምዒ ማርያም።

በእንተ ማርያም ወላዲትክ ምሕላነ ስማዕ በእዝንክ።
በእንተ ማርያም ሐፃኒትክ ምሕላነ ስማዕ በእዝንክ።
በእንተ ማርያም ጸዋሪትክ ምሕላነ ስማዕ በእዝንክ።

ወበከመ ዐቀብከነ እምነግህ እሰከ ሠርክ ፤ ዕቀበነ
እግዚአ እምሠርክ እሰከ ነግህ።

ተሣሃለክ እግዚአ ምድረክ ሃሌ ሉያ

ስማዕ ጸሎተኑ ወስእለተኑ ወሥረይ ኩሎ ኃጢአተኑ
ስማዕ ጸሎተኑ ወስእለተኑ ዘስማዕኮ ጸሎቶ ወስእለቶ
ለዕዝራ ፤ ተወከፍ ምሕላኑ ሰላመክ ሀበኑ ፤
ወእማእከሌኑ ኢትርኅቅ።

ወሚጥ መዓተክ እምኔኑ ሃሌ ሉያ።

ንዒ ኅቤየ እንቲአየ ሠናይት ርግብየ መዓዛ አፋሃ
ከመ ኮል ወኩሉ ነገራ በሰላም።

አርእየን እግዚአ ሣህለከ ሃሌ ሉያ
መልአከ ሰላምን ሊቀ መላእክት ሚካኤል ሰአል
ወጸሊ በእንተክን ፤ አርዕግ ጸሎተን ቅድመ መንበሩ
ለንጉሥ ዐቢይ።

ገብርኤል አብሠራ ለማርያም ወይቤላ ትወልዳ
ወልደ ፤ ዘይነግሥ ለቤተ ያዕቆብ ለዓለም ፤ ወአልቦ
ማኅለቅት ለሰላሙ።

ዮሐንስ ክቡር ነቢይ ልዑል ብእሴ ሰላም ዘንብረቱ
ገዳም።

ሰአል ለን ጊዮርጊስ ኅብ እግዚአብሔር ወጸሊ
በእንቲኣነ። ሀረድዎ ፤ ወገመድዎ ፤ ወዘረዉ ሥጋሁ
ከመ ሐመድ ፤ ወወሰድዎ ኅብ ሰብዓ ነገሥት። ረገጸ
ምድረ አንሥኣ ሙታነ አባ ጊዮርጊስ በሰላም ዐደወ
መንግሥተ ክብር ወረሰ።

ጥምቀተ አምጽኦሕ ሕፅወ ንግሥት ለእሊኦሁ፤
እምነብ ፊልጶስ ድኅረ ተጠምቀ ለሊሁ፤
ሰላማ አቡነ አምጽኦሕ ለነ በዕድሜሁ፤
ለመድኃኒነ ምሥጢረ ደሙ ወሥጋሁ።

ብፁዕ አባ አቡነ ተክለሃይማኖት ዘፄለ ገዳማተ በኅብ
እግዚኡ ይንሣኝ ዕሤተ ቦኦ ገዳመ ደብረ ሊባኖስ
በፍሥሐ ወበሰላም።

ጸድቅሰ ከመ በቀልት ይፈሪ ወይበዝኅ
ከመ ዘግባ ዘሊባኖስ ገብረ መንፈስ ቅዱስ
ኖመ ኖመ ኢየሩሳሌም በፍሥሐ ወበሰላም።

ሣህል ወርቅቶ ተራከባ ጽድቅ ወሰላም ተሳፀማ አመ
ተሰምዓ ዜናክ በዓለም ዜና ማርቆስ ክቡር መምህረ
ሰላም ዘህላዌክ ገዳም።

ባርከኒ አባ እንሣእ በረከተከ በእንተ ሰላማ ለቅድስት
ቤተ ክርስቲያን አባ ባርከኒ እንሣእ በረከተከ።

ማኅደረ ሰላምን ቅድስት ደብተራ እሞሙ ለሰማዕት፤
ወእኅቶሙ ለመላእክት ንዑ ንሰግድ ኩልነ ኀበ
ማርያም እምነ።

መስቀል ብርሃን ለኩሉ ዓለም መሠረተ
ቤተክርስቲያን ወሀቤ ሰላም መድኃኔ ዓለም።
መስቀል ለእለ ነአምን መድኅን።

ለዓለም ወለዓለመ ዓለም።

ማኅደረ ሰላምን ቅድስት ደብተራ እሞሙ ለሰማዕት፤
ወእኅቶሙ ለመላእክት ንዑ ንስግድ ኩልን ኀበ
ማርያም እምነ። መስቀል ብርሃን ለኩሉ ዓለም
መሠረተ ቤተክርስቲያን ወሀቤ ሰላም መድኃኔ
ዓለም። መስቀል ለእለ ነአምን መድኅን። ለዓለም
ወለዓለመ ዓለም ሃሌ ሉያ።

ሰላመ አብ ወሰላመ ወልድ ወሰላመ መንፈስ ቅዱስ
የሀሉ ማእከላዊነት አታው።

ካህን

ሰላመ አብ ወወልድ ወመንፈስ ቅዱስ ወፍቅራ
ለእግዝእትነ ማርያም ድንግል ወላዲተ አምላክ ሞገስ
መስቀሉ ወኅብተ ረድኤቱ የሀሉ ምስለ ኩልነ ሕዝብ
ክርስቲያን ለዓለመ ዓለም።

እግዚአ መሐረን ክርስቶስ።

በእንተ ማርያም መሐረን ክርስቶስ።

ሰአሊ ለን ማርያም ምሕረተ ወልድኪ የሐውጸን
እምአርያም። ሰአሊ ለን ማርያም ለለሰዓቱ ተግባረ
እደዊሁ ለወልድኪ ኢንጥፋኝ በከንቱ። ኩሎ መዓልተ
ወኩሎ ሌሊተ ብዙኃ ኃጢአተ ዘገበርን በእንተ
ማርያም እምከ መሐሪ መሐረን።

ሥመር እግዚአ ከመ ታድኅነን።
ኢታረምም እግዚአ ወኢትጸመመን።
ተዘከር እግዚአ ከመ መሬት ንሕነ።
እግዚአ ዕቀባ ለሀገሪትን ኢትዮጵያ።

እግዚአ ፅቀባ ለመካንን.....።

እግዚአ ፅቅበን ለሁልን ሕዝብ ክርስቲያን።

እግዚአ አእርፍ ነፍሳተ አግብርቲክ ወአእማቲክ
ሁሎሙ ክርስቶሳውያን።

ሰብሐት ለእግዚአብሔር ኪያን ዘፈጠረ ከመ ናምልኮ።

ሰብሐት ለማርያም እመ አምላክ እግዝእትን
ወመድኃኒትን።

ሰብሐት ለመስቀለ ክርስቶስ ዕፀ መድኃኒት
ኃይልን ወፀወንን።

ጸሎተ ሃይማኖት

ነአምን በአሐዱ አምላክ እግዚአብሔር አብ አኃዜ
ኩሉ ገባሬ ሰማያት ወምድር ዘያስተርኢ
ወዘኢያስተርኢ፤

ወነአምን በአሐዱ እግዚእ ኢየሱስ ክርስቶስ ወልደ
አብ ዋሕድ ዘህልው ምስሌሁ እምቅድመ ይትፈጠር
ዓለም። ብርሃን ዘእምብርሃን አምላክ ዘእምአምላክ
ዘበአማን።

ዘተወልደ ወኢኮ ዘተገብረ ዘዕሩይ ምስለ አብ
በመለኮቱ ፤ ዘቦቱ ኹሉ ኮነ ወዘእንበሌሁሰ አልቦ
ዘኮነ ወኢምንትኒ ዘበሰማይኒ ወዘበምድርኒ።

ዘበእንቲኣነ ለሰብእ ወበእንተ መድኃኒትኒ ወረደ
እምሰማያት። ተሰብኣ ወተሠገወ እመንፈስ ቅዱስ
ወእማርያም እምቅድስት ድንግል።

ኮነ ብእሴ ወተሰቅለ በእንቲኣነ በመዋዕለ ጲላጦስ
ጴንጤናዊ። ሐመ ወሞተ ወተቀብረ ወተንሥኣ
እመታን አመ ሣልሰት ዕለት በከመ ጽሑፍ ውስተ
ቅዱሳት መጻሕፍት። ዐርገ በሰብሐት ውስተ ሰማያት
ወነበረ በየማነ አቡሁ። ዳግመ ይመጽእ በሰብሐት
ይኩንን ሕያዋነ ወመታነ ወአልቦ ማኅለቅት
ለመንግሥቱ።

መሐረን አብ ጸሎት

ወነአምን በመንፈስ ቅዱስ እግዚእ ማሕየዊ ዘሠረፀ
እምአብ ንሰግድ ሎቲ ወንሰብሐ ምስለ አብ ወወልድ
ዘነበበ በነቢያት።

ወነአምን በአሐቲ ቅድስት ቤተ ክርስቲያን እንተ
ላዕለ ኩሉ ጉባኤ ዘሐዋርያት።

ወነአምን በአሐቲ ጥምቀት ለሥርየተ ኃጢአት።

ወንሴፎ ትንሣኤ ሙታን ወሕይወተ ዘይመጽእ
ለዓለመ ዓለም።

ካህን

ሃሌ ሉያ ለአብ ፣ ሃሌ ሉያ ለወልድ ፣ ሃሌ ሉያ
ለመንፈስ ቅዱስ ቦክ መልአክ ኅቤሃ ወቆመ ቅድሜሃ
ወይቤላ ተፈሥሒ ተፈሥሒ ተፈሥሒ ፍሥሕት ኦ
ማርያም ምልዕተ ፀጋ።

ሕዝብ

እግዚአብሔር ምስሌኪ

ካህን

ቡርክት አንቲ እምአንእዕት

ሕዝብ

ወቡሩክ ፍሬ ከርሥኪ

ካህን

ተንብሊ ወሰኦሊ ለነ

ሕዝብ

ኀብ ፍቁር ወልድኪ

ካህን

ኢየሱስ ክርስቶስ

ሕዝብ

ከመ ይሥረይ ለነ ኃጣውኢ።

ተፈሥሐ ኦ ማርያም ምልእተ ጸጋ፤
ተፈሥሐ እስመ ረከብኪ ሞገሶ፤
ተፈሥሐ እግዚአብሔር ምስሌኪ፤
ይደልወኪ ፍሥሐ እንበለ ሕጻጽ ወንቅጋ፤
አምላክ ሰማያዊ ዘአግመርኪ በሥጋ።

ካህን

ሃሌ ሉያ ለአብ ፣ ሃሌ ሉያ ለወልድ ፣ ሃሌ ሉያ ለመንፈስ
ቅዱስ ቦአ መልአክ ኀቢሃ ወቆመ ቅድሚኃ ወይቤላ
ተፈሥሒ ተፈሥሒ ተፈሥሒ ፍሥሕት ኦ ማርያም
ምልዕተ ፀጋ።

ሕዝብ

እግዚአብሔር ምስሌኪ

ካህን

ቡርክት አንቲ እምአንእስት

ሕዝብ

ወቡሩክ ፍሬ ከርሥኪ

ካህን

ተንብሊ ወሰኦሊ ለነ

ሕዝብ

ኀብ ፍቁር ወልድኪ

ካህን

ኢየሱስ ክርስቶስ

ሕዝብ

ከመ ይሥረይ ለነ ኃጣውኢ።

ተፈሥሖሁ ኦ ማርያም ምልእተ ጸጋ፤

ይደልወኪ ፍሥሖ እንበለ ሕጻጽ ወንቅጋ፤

ንጉሠ ሰማያዊ ዘኣግመርኪ በሥጋ።

ተፈሥሖሁ ኦ ማርያም ምልእተ ጸጋ ተፈሥሖሁ ኦ ስመ ረከብኪ ሞገሰተ
ፈሥሖሁ ኦግዚኦ

ካህን

ሃሌ ሉያ ለአብ ፣ ሃሌ ሉያ ለወልድ ፣ ሃሌ ሉያ
ለመንፈስ ቅዱስ ቦክ መልአክ ኅቤሃ ወቆመ ቅድሜሃ
አብሠራ ገብርኤል ለማርያም በክብር ወይቤላ
ተፈሥሒ ተፈሥሒ ተፈሥሒ ፍሥሕት ኦ ማርያም
ምልዕተ ፀጋ።

ሕዝብ

እግዚአብሔር ምስሌኪ

ካህን

ቡርክት አንቲ እምአንእዕት

ሕዝብ

ወቡሩክ ፍሬ ከርሥኪ

ካህን

ተንብሊ ወሰኦሊ ለነ

ሕዝብ

ኀብ ፍቁር ወልድኪ

ካህን

ኢየሱስ ክርስቶስ

ሕዝብ

ከመ ይሥረይ ለነ ኃጣውኢ።

ምልዕተ ፀጋ ተፈሥሒ እግዚአብሔር ምስሌኪ፤
ሰላማዊት ሰላም ለኪ፤
መንፈሳዊት ርግብ ወንሰግድ ለኪ፤
ማርያም በሥጋ እሳተ መለኮት ዘፆርኪ፤
መንፈስ ቅዱስ ፀለለኪ ውጊይላ ልዑል አጽንዓኪ
ድንግል በሕሊናኪ ወድንግል በሥጋኪ።